

Headlines

- एल.जी मनोज सिन्हा होरें कश्मीर च तिरंगा रैली दी अगुवाई कीती जेदे च 10 ज्हार शा मते लोकें हिस्सा लैता।
- प्रधानमंत्री नरेंद्र मोदी होरें आखेआ ऐ जे जम्मू-कश्मीर दे लोकें आस्सेया कडुी गेदी तिरंगा जात्तरा बडी प्रेरित करने आहली ऐ।
- लेफ्टिनेंट गवर्नर मनोज सिन्हा होरें आखेआ ऐ जे उंदे प्रशासन नै जम्मू-कश्मीर पर चडे दा 28 ज्हार करोड़ रुपें दा बिजली दा कर्जा मकाई दिता ऐ। उनें आखेआ जे प्रदेश दे लोकें गी सब्बनें शा सस्ती बिजली मिलै करदी ऐ। उनें आखेआ जे लोक भुगतान करडन तां उनेंगी 24 घंटे बिजली मिलोग। सिन्हा होरें आखेआ जे उंदे प्रशासन नै जेके बैंक गी औदनबख्श इदारा बनाई दिता ऐ।
- करसानें दे हितें दी हिफाजत लेई सरकार बागवानी खेत्तर गित्तै फसल बीमा योजना शुरू करन जा'रदी ऐ।

<><><><><><>

Tiranga-Rally

उप-राज्यपाल मनोज सिन्हा होरें श्रीनगर च तिरंगा रैली च हिस्सा लैता। इस रैली च ज्हारां बहे लोकें हिस्सा लैता। एहू रैली डल झील दे कंडुे स्थित बाटनीकल गार्डन थ्वां शुरू होई ते शेर-ए-कश्मीर इंटरनेशनल कन्वेंशन सेंटर जाइये सम्पन्न होई। इस मौके पर बोलदे होई उपराज्यपाल होरें आखेआ जे हर घर तिरंगा अभियान जम्मू-कश्मीर च जन अभियान बनिए उभरेया ऐ। उनें आखेआ जे असेंगी राष्ट्रीय झंडा घर आहनना लोडचदा ते उसी पूरे मान सम्मान ते शान कन्नै फैहराना लोडचदा। उनें तिरंगा यात्रा गी सफल बनाने लेई लोकें आस्सेया दित्ते गेदे योगदान दी सराहना कीती। उपराज्यपाल होरें जम्मू-कश्मीर दे शहीदें गी समर्पित मोनोग्राफ जारी कीता। इससै चाल्ली जम्मू च बी तिरंगा रैली कडुी गेई। रैली गुलशन ग्राउंड थ्वां शुरू होई ते जम्मू दे बक्ख-बक्ख इलाकें थ्वां हुंदे होई लंघी। जम्मू दे डिविजनल कमिशनर रमेश कुमार, ADGP आनन्द जैन, SSP Jammu विनोद कुमार ते म्युनिसिपल कमिशनर राहुल यादव ते होरनें लोकें हिस्सा लैता।

<><><><><><>

PM-Tiranga

प्रधानमंत्री नरेंद्र मोदी होरें आखेआ ऐ जे जम्मू-कश्मीर दे लोकें आस्सेया कड्डी गेदी तिरंगा यात्रा बड्डी प्रेरणा देने आहली ऐ। प्रधानमंत्री होरें उपराज्यपाल मनोज सिन्हा हुंदे हर घर तिरंगा अभियान गी बढावा देने लेई कीते गेदे जत्रें दी सराहना कीती।



I-Day Doda

डोडा दे जिला प्रशासन आस्सेया तिरंगा रैली दा सरिस्ता करने लेई इंतजामें गी खीरी रूप दित्ता गेआ। एहू यात्रा कल स्पोर्ट्स स्टेडियम च कड्डी जाग। डोडा दे अतिरिक्त विकास आयुक्त प्राण सिंह हुंदे मुजब कार्यक्रम लेई प्रशासन आस्सेया लोडचदे सारे इंतजाम कीते गेदे न तां जे इस रैली गी सफल बनाया जाई सकै।



LG-Power

लेफ्टिनेंट गवर्नर मनोज सिन्हा होरें अज्ज आखेआ ऐ जे केंद्र शासित प्रदेश च लोकें गी होरनें राज्यें ते केंद्र शासित प्रदेशें दे मुकाबले लगातार सस्ती बिजली थ्होआ करदी ऐ। श्रीनगर दे SKICC च अज्ज इक संवाददाता सम्मेलन गी संबोधित करदे होई एल.जी होरें आखेआ जे जम्मू-कश्मीर प्रशासन गी 28 ज्हार करोड रुपें दा बिजली सरबन्धी कर्जा, विरासत च थ्होआ हा। उनें आखेआ जे उंदे प्रशासन नै एहू कर्जा मकाई दित्ता ऐ ते एहूदे कन्नो-कन्नी प्रदेश दे लोकें गी सब्बनें शा सस्ती बिजली मिलै करदी ऐ ते पिच्छले त्र'ऊं बरें दरान बिजली दिएं दरें च बाद्दा बी नेई कीता गेदा ऐ। उआं उनें एहू बी स्पष्ट करी दित्ता ऐ जे लोकें गी सरकारी सेवाएं दे एवज च भुगमान पक्क गै करना पौना ऐ। एल.जी होरें आखेआ जे बिजली चोरी रोकने च मीटर लाना इक कामयाब गैहू साबत होआ ऐ। उनें लोकें गी गुजारश कीती जे ओहू प्रशासन दा सैहयोग करन तां जे हर रोज 24 घंटे बिजली दी दस्तयाबी जकीनी बनाई जाई सकै। संसद च पास जम्मू-कश्मीर दे बजट बारै श्री सिन्हा होरें आखेआ जे बजट च बाद्दा एहू दर्शादा ऐ जे केंद्र सरकार प्रदेश दे विकास लेई किन्नी संजीदा ऐ। एल.जी होरें आखेआ जे उंदे प्रशासन ने जम्मू-कश्मीर बैंक गी बड्डे कर्जे चा बाहर कड्डियै इसी औदन-बख्श इदारा बनाई दित्ता ऐ।

PM-Mann ki Baat

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम मन की बात राएं ओंदी 25 तरीक गी देश विदेश च रौहने आले श्रोताएं गी संबोधत करगंन। एह इस कार्यक्रम दी 113मीं किशत होग। लोक इस कार्यक्रम च शामिल कराने लेई अपने बचार ते सुझाहू 23 अगस्त तोड़ी नरेन्द्र मोदी ऐप, डल छवअ व्वमद थ्वतनउ जां टोल फ्री नंबर 1800-11-7800 राएं भेजी सकदे न।

<><><><><><>

RNU-EPMKN

आकाशवाणी जम्मू दे प्रादेशिक समाचार एकांश आस्सेया अपने प्रभारी एन. गुलशन रैना हुंदी अगुवाई च 'एक पेड़ मां के नाम' अभियानत तैहत अज्ज बड्डे स्तर पर रूक्ख-बूहटे लाने दा कार्जक्रम आयोजित कीता गेआ। इस मौके पर उनें आकाशवाणी परिसर च आपूं बूहटा बी लाया। प्रादेशिक समाचार एकांश दे मलाजमें बी इस मौके अपनी मां ते धरती माता दे सम्मान च फलें ते औषधीय गुणें आहले बूहटे लाए। इस मौके पर बोलदे होई प्रादेशिक समाचार एकांश दे प्रभारी एन. गुलशन रैना होरें आखेआ जे विश्व पर्यावरण दिवस पर 'एक पेड़ मां के नाम' अभियान गी शुरू करोआना प्रधानमंत्री नरेंद्र मोदी हुंदा इक दूरदर्शी विचार ऐ। इस मौके सब्बनें मलाजमें बधी-चढियै इस अभियान च हिस्सा लैता।

<><><><><><>

Govt.-SAR

जम्मू कश्मीर सरकारै सरकारी मलाजमें आस्सेआ आपू अपनी जायजा रिपोर्ट जिसी सेल्फ असेसमेंट रिपोर्ट जां सार रिपोर्ट बी आखेआ जंदा ऐ, गी जमा कराने दी खीरी तरीक चालू माली ब'रे दी दूई तिमाही तोड़ी बधाई दित्ती ऐ। इस बारे जारी अधिसूचना मूजब अप्रैल कोला लेइयै जून 2024 तोड़ी दी, मलाजमें दी कारकरदगी बारे रिपोर्ट जमा कराने दी खीरी तरीक बधाइयै 20 अगस्त करी दित्ती गई ऐ। इस्सै चाल्ली पैहली तिमाही दी सरबंधत रिपोकर्टंग ते कंट्रोलिंग अफसर आस्सेआ नजरसानी लेई खीरी तरीक 30 अगस्त 2024 तैहू कीती गेइ, ऐ। एहदे इलावा गैर पंजीकृत मलाजमें गी ताकीद कीती गेदी ऐ जे ओब्बी अपने नां पोर्टल पर दर्ज करियै अपनी सार रिपोर्ट मित्थे गेदे समें दे अंदर-अंदर जमा कराई देन।

<><><><><><>

Amarnath-Yatra

कल होई दिएं भारी बरखें दे चलदे श्री अमरनाथ जी दी यात्रा गी बालटाल आले रस्ते थमां रोकना पेई गेआ ऐ। पहलगाम आले रस्ते पर जारी रक्ख-रखाव आले कम्में गी दिक्खदे होई उत्थें पैहले गै यात्रा बंद रखी गेदी ऐ। कश्मीर दे डिवीजनल कमीशनर बी.के.बिधूडी होरें आखेआ जे पहलगाम ते बालटाल दौनें रस्ते पर भारी बरखा करी मरम्मती ते रक्ख-रखाव आले कम्में दी बड़ी सख्त लोड़ ऐ। उनें दस्सेआ जे अज्ज बालटाल थमां बी यात्रा दी इजाजत नेई दित्ती जाग। 29 जून थमां शुरू होई दी इस यात्रा दरान अजें गतर 5 लक्ख षा मते श्रद्धालु शिवें दे हिमलिंगम रूपै दे दर्शन करी चुके दे न। एह सलाना यात्रा 19 अगस्त गी रक्खड़ पुत्रेआ आले दिन सम्पन्न होई जाग। तोआई 382 श्रद्धालुएं दा इक होर जत्था अज्ज श्री बुडा अमरनाथ जी दी यात्रा लेई रवाना होआ। इंदे च 283 मर्द, 90 महिला ते 9 बच्चे शामिल न।

<><><><><><>

Nanda-Darbar

समाज कल्याण विभाग दिएं कमिशनर सैक्रेटरी शीतल नंदा होरें अज्ज अखनूर ब्लाक दे गुडा ग्राह्मणा ईस्ट आले सामुदायिक हॉल च इक जनता दरबार लाइयै लोकें दिएं चैंताएं ते विकास सरबंधी मामलें गी सुनेया। मकामी लोकें मुख तौर पर समाज कल्याण सरबंधी फायदें बारै खास करियै बुजुर्गे ते दिव्यांगें कन्नै सरबंधत मामले पुट्टे। लोकें जल जीवन मिशन, जिमीं हेठ मजूद पानी ते बिजली कन्नै जुडे दे अपने मामले बी उंदे अगगे रक्खे। एहदे अलावा लोकें मकामी सेहत ते शिक्षा इदारें दा दर्जा बदाने दी मंग बी कीती। कमिशनर सैक्रेटरी होरें केई मसलें दा मौके पर गै नबेड़ा करोआई दित्ता ते केई मामलें बारै लोड़चदे निर्देश बी जारी कीते।

<><><><><><>

Swachta-Udh

स्वतंत्रता दिवस दे सरबंधै च जिला प्रशासन उधमपुर आस्सेया बक्ख-बक्ख स्कूलें च कंधें पर चित्रकारी आहली प्रतियोगिता दा सरिस्ता कीता गेआ। विद्यार्थिं शहीद कैप्टन तुषार महाजन सरकारी माडल गर्ज हायर सेकेंडरी स्कूल दी कंधें पर चित्रकारी कीती गेई।

<><><><><><>

Tribute-Kathua

स्वच्छता पखवाडा ते एक पेड शहीदों के नाम प्रोग्राम दे इक हिस्से दे तौर पर शहीद सिपाई परमजीत सिंह होरें गी उंदे जद्दी ग्रां बडाला च श्रद्धांजलि भेंट कीती गई। ब्लॉक विकास अफसर सुकृति कौल, शहीद सिपाई परमजीत दे परौआर आले बी मौजूद हे। इस मौके शहीद दे नां पर इक बूहटा बी लाया गेआ।



Unite-Drugs

नशीले पदार्थों की कवैतू पर रोक लाने ते नौजवानों की एहूदे माड़े असर बारै जागरूक बनाने लेई स्कूली शिक्षा विभाग नै नशामुक्त भारत अभियान दे तैहत इक कार्यक्रम दा सरिस्ता कीता। इस दरान विद्यार्थियों की एहू संगंध चुकाई गई जे ओहू नशीले पदार्थों थमां दूर रौहडन ते अपने साथिं की बी जागरूक बनाडन।



Cyber Crime

जिला पुलिस किशतवाड नै साईबर अपराधों कन्नै निबडने की अपनी बचनबद्धता की फही पक्का करदे होई कामयाबी कन्नै साईबर अपराध दा इक मामला सुलझाई लैता ऐ ते ऑनलाइन ठगी गेदी 2 लख 1 जहार 262 रुपें की रकम बरामद की करी लैती ऐ। इस मामले च जालसाजें कई सारे ऑनलाइन धोखे कीते दे हे। इंदे च मोबाइल रीचार्ज धोखाधड़ी, चलाकी कन्नै लोकें दे मोबाइल च ऐप इंस्टाल करोआना ते टेलीग्राम पर गलत लिंक भेजने दे मामले शामिल ना।

